



Պ Ա Շ Տ Օ Ն Ը Կ Ը Ն

ՆՈՐԻՆ ՍՐԲՈՒԹԻԻՆ ԱԶԳԻՍ ՎԵՀԱՓԱՌ ՀԱՅՐԱՊԵՏԻ
ՏՆՑՐԷՆՈՒԹԻԻՆՆԵՐԻՑ.

Գրութեամբ պատուիրուեց Մայր Տաճարի Լուսարապետ Տ. Ղեոնդ եպիսկոպոսին հին եկեղեցական զգեստներ ուղարկել Խոթավանքի հայ դպրութիւն. 23 հոկտ. թ. 1298.

Գրութեամբ պատուիրուեց Մայր Աթոռի Տպարանի վարչութեան եկեղեցական գրքեր ուղարկել վերոյիշեալ հայ դպրութիւն աղօթատան համար. 23 հոկտ. թ. 1299.

Գրութեամբ յանձնարարուեց Վրաստանի Հայոց թեմի ժամանակաւոր կառավարչին յայտնել Դամիա դիւղի ընծայացու Յովհաննէս Աւետիսեանին, որ առանց հայկական ձայնագրութեան վկայականի նորա գործին ընթացք չի տրուի. 25 հոկտ. թ. 1301.

Դիւանի գրութեամբ պատուիրուեց Երևանի կոնսիստորիային կարգադրել Տաթևից նիկողայոս վարդապետ

Տէր Աւետիքեանի ամսական ռոճիկը փոխադրել է շմիածին նորա հասցէին, որ ժամանակաւորապէս ապրելու է Գայեանէի վանքում: 25 հոկտ. թ. 1304:

Շրջաբերական գրութիւններով յանձնարարուեց Ռուսաստանի Հայոց թեմակալ Առաջնորդներին՝ իրենց թեմերի հայ քահանաների միջոցով յորդորել Ռուսաստանում՝ ապրող Տաճկահայ ունեւոր անձինքներին, որ գրամական օգնութիւն հասցնեն Տաճկաստանի զաւառների աղքատ հայ մանուկների կրթական դարձին: 25 հոկտ. թ. թ. 1305—1308, 1314:

Գրութեամբ պատուիրուեց Ղարսի Հայոց Հոգևոր կառավարութեան յայտնել Զարիշատի շրջանի 7 գիւղերի հայ հասարակութեան ի գիտութիւն, որ առհասարակ քահանայի վարձատրութեան համար պէտք է թեմի Առաջնորդի միջոցով միջնորդութիւն յարուցանել: 25 հոկտ. թ. 1315:

Նորին Վեհափառութեան մակագրութեամբ պատուիրուեց Մայր Աթոռի Գ. Հոգևոր Ճեմարանի Վարչութեան՝ ճեմարանի կանոնադրութեան 79-րդ, յօդուածի համաձայն անցեալ 1910/1911 ուսումն. տարում՝ թեմական դպրանոց աւարտողներին ընդունել այս 1912/1913 ուսումն. տարուայ սկիզբը զովորական քննութեամբ, իսկ 1909/910 ուսումն. տարում՝ և առաջ աւարտողներին ենթարկել հարցաքննութեան բոլոր առարկաներից: 25 հոկտ. թ. 1321:

Կոնգակ ու Էջմիածնի Սինօդի անունով, որով պատուիրուեց ուղարկել բոլոր թեմակալ առաջնորդներին ժապաւինեալ մատենաներ և տպագրած թերթեր, Կովկասի Տ. Փոխարքայի թոյլտուութեամբ համաձայն մի տարի ժամանակով, բոլոր հայաբնակ վայրերում՝ Հայոց եկեղեցական ծխական դպրոցների օգտին դպրոցական ֆոնդի հանգանակութիւնը կազմակերպելու համար: Գոյացած դրամք պահել Մայր Աթոռի գանձարանում՝ Վեհափառ Կաթողիկոսի տեսչութեան ներքոյ: 25 հոկտ. թ. 1331:

Կոնդակ Մայր Աթոռի միաբան Տ. Ղևոնդ եպիսկոպոսի անունով, որով առաջագրուեց ձեռնադրել արեղայ Մայր Աթոռի միաբան Յակովբ սարկաւադ Յակովբեանին: 25 հոկտեմ. թ. 1337:

Դիւանի գրութեամբ պատուիրուեց Մայր Աթոռի տղարանի Վարչութեան եկեղեցական գրքեր ուղարկել Ռումինիայի Թըրկու-Օզնայի գաղութի հայոց եկեղեցուն: 27 հոկտեմ. թ. 1362:

Դիւանի գրութեամբ յանձնարարուեց Նոր-Նախիջևանի և Բեստարաբիայի Առաջնորդին՝ ուղարկել Նոր-Նախիջևան քաղաքի հայ քահանաների ծառայութեան ցուցակները: 29. հոկտեմբերի թ. 1379:

Կոնդակով թոյլ տրուեց Աստրախանի թեմակալ Առաջնորդին բանալ Կուբանեան շրջանի Խոյթա գիւղում եկեղեցական ծխական դպրոց: 30 հոկտեմ. թ. 1385:

Կոնդակ ս. Էջմիածնի Սինոդի անունով, որով պատուիրուեց Մայր Աթոռի դրամներէց յատկացնել հայոց եկեղեցական-ծխական դպրոցների օգտին քսան եւ հինգ հազար ռուբլի եւ մութել առանձին ժապախնած տումար: 30 հոկտեմբերի թ. 1393:

Դիւանի գրութեամբ յայտնուեց Ռումինիայի հայոց հսկեւոր հովուին, որ 1913/1914 ուսումն. տարում ուղարկել ձեւարան ընդունելու համար երկու լաւ պատրաստուած աշակերտ: 31 հոկտեմ. թ. 1404:

Կոնդակով թոյլ տրուեց Աստրախանի թեմակալ Առաջնորդին Կիսլավոդսկի ծխական դպրոցը կոչել Ստեփանոս Բէշտաուի անունով և վերջինս պատկերը կախել դռնաբացում: 4 նոյեմբ. թ. 1427:

Կոնդակ Մայր Աթոռի միաբան Տ. Կարապետ եպիսկոպոսի անունով, որով յանձնարարուեց հրաւիրել Տ.Տ. Յուսիկ, Գարեգին, Մեսրոպ և Ներսէս (Տ. Միքայէլեան) վարդապետներին և քննել «Բրիտանական ընկերութեան» ուղարկած

աւետարանի աշխատհաբար թարգմանութիւնը և արդիւնքը զեկուցանել նորին Սրբութեան. 5 նոյեմբ. թ. 1438.

Կոնդակ Պարսկա-Հնդկաստանի Առաջնորդական խորհրդարանի անունով, որով ուղարկելով առաջնորդի ընտրութեան համար կազմած հրահանգ, պատուիրուեց ապագրել և բաժանել գործակալներին և պաշտօնական հաստատութեանց և հսկել, որ Առաջնորդական ընտրութիւնը կանոնաւորութեամբ կատարուի. 8 նոյեմբ. թ. 1442.

Դիւանի գրութեամբ յայտնուեց Վրաստանի թեմի ժամանակաւոր կառավարչին, որ նորին Սրբութիւնը թոյլատրեց Տ. Եղնիկ աւագ քահանայ երզնկեանին, ընծայացուների համար երեկոյեան դասընթացներ բանալ հայկական ձայնագրութիւն ուսուցանելու համար. նոյեմբ. թ. 1469.

Կոնդակ ս. Էջմիածնի Սինօգի անունով, որով առաջադրուեց կարգադրել ուղարկել նոր Բայազետի գործակալ Տ. Արտակ վարդապետին նոյն պաշտօնով Բագու համաձայն Շամախու Առաջնորդի միջնորդութեամբ. 12 նոյեմբ. թ. 1478.

Կոնդակով առաջադրուեց նոյն Սինօգին կարգադրել քանդել միաբանական հին շէնքերը, որ գտնուած է Տաճարի հիւօխային կողմը, որպէսզի կառուցուի միաբանութեան համար նոր հարմարաւոր շէնք. 12 նոյեմբ. թ. 1479.

Մակագրութեամբ ուղարկուեց ս. Էջմիածնի Սինօգին պ. Բէհբուտ Մէլիք-Ալահվերդեանի ուղարկած դպրոցական ֆոնդի օգտին 35 ռուբլի 73 կոպ. 12 նոյեմբ. թ. 1480.

Կոնդակ Ղարաբաղի Հայոց թեմական դպրանոցի Հոգաբարձութեան նախագահ Տ. Զաւէն վարդապետի անունով, որով թոյլատրուեց, քաղաքական իշխանութեան թոյլտուութիւն ստանալուց յետոյ, դպրանոցի 75 ամեայ յորեկեանը յաւերժացնելու համար՝ հանդանակութիւն բանալ դպրանոցը ապահովելու համար. 13 նոյեմբ. թ. 1484.

Դիւանի գրութեամբ յայտնուեց Աստրախանի թեմակալ Առաջնորդին, որ նորին Վեհափառութիւնը դիմեց ներքին գործոց Տ. Նախարարին՝ Աստրախանի թեմական դպրանոցի բացման խնդիրը շուտով ընթացք տալու մասին: 16 նոյեմբ. թ. 1503.

Դիւանի գրութեամբ ուղարկուեց Մայր Աթոռի Կենդրոնական Ուսումնարանական Յանձնաժողովին Երևանի, Ղարաբաղի, Շամախու և Աստրախանի թեմերի վիճակագրական տեղեկագրերը: 16 նոյեմբ. թ. 1508.

Մակագրութեամբ պատուիրուեց Մայր Տաճարի լուսարարապետին տալ Աղէքսանդրապոլի վաճակի համար՝ Յակովբ քահանայ Խաչվանքեանին Սրբաւոյս Միւսն: 18 նոյեմբերի թ. 1512.

Մակագրութեամբ պատուիրուեց ս. Էջմիածնի Սինօդին՝ ի նկատի ունենալով, որ Նախիջևանի և Բեսարաբիայի թեմի առաջնորդ Տ. Ներսէս Արքեպիսկոպոսը և թեմական դպրանոցի Հոգաբարձութիւնն խնդրել են նորին Սրբութեան կարգադրել Խալիպեան դպրոցի շէնքի վաճառման խնդիրը, քանի որ զգալի մնաս է կրում դպրանոցը, ուստի պատուիրուեց ս. Էջմիածնի Սինօդին անյապաղ ընթացք տալ այդ գործին և տնօրինել, ինչ որ անհրաժեշտ է և օգտակար՝ այդ շէնքի վաճառման վերաբերմամբ: 18 նոյեմբերի թ. 1522.

Կանդակ Տփլիսի Մարեամեան-Յովնանեան դպրանոցի Հոգաբարձութեան անունով, որով հաստատուեց դպրոցի պաշտօնեաների թնշակարկզի կանոնագրութիւնը: 20 նոյեմբերի թ. 1524.

Մակագրութեամբ պատուիրուեց Մայր Աթոռի Ուսումնարանական Յանձնաժողովի նախագահ Տ. Մեսրոպ Եպիսկոպոսի անունով, հրաժարուած անդամ Տ. Մեսրոպ վարդապետ Մաքսուդեանի փոխարէն հրաւիրել ժողովի Տ. Ներսէս վարդապետ Տէր-Միքայէլեանին, որ նշանակ-

ւում է Ուսումն. յանձնաժողովի անդամ: 22 նոյեմբերի թ. 1548:

Կոնգակ Մայր Աթոռի Ուսումնարանական Յանձնաժողովի անունով, որով առաջագրուեց իւր կարծիքներն ու գրութիւնների սեագրութիւնները ներկայացնելու նորին Վեհափառութեան ի տնօրինութիւն և ապա ուղարկել Դիւանի կնքով. նախագահի բացակայութեան ժամանակ ժողով գումարել փոխ-նախագահ Տ, Բագրատ վարդապետի նախագահութեամբ և վարձել մի գործավար գործերը կանոնաւոր վարելու նախագահի անմիջական հսկողութեամբ: 22 նոյեմբերի թ. 1551:

Կոնգակներ Չերնոմորեան նահանգի Կրակակ-Բարուշեակ, Դէսիմոն և Բագդով գիւղերի ծխական հոգաբարձութեան անունով, որոնցով արտօնուեց այդ գիւղերում հայոց ծխական դպրոցներ բանալ: 23 նոյեմբերի թ. թ. 1557, 1558, 1559:

Դրութեամբ խնդրուեց ներքին գործոց Տ. Նախարարից թոյլ տալ Աստրախանի և Բեսարաբիայի թեմերի հայերի մէջ ծխական դպրոցների ճոնղի օգտին հանդանակութիւն կատարել մի տարի ժամանակով: 24 նոյեմբ. թ. 1562:

Շրջաբերական կոնգակներ Ռուսահայոց թեմակալ Առաջնորդների անունով, որով առաջագրուեց կազմել իւրաքանչիւր քաղաքում Յանձնաժողովներ դպրոցական ճոնղի օգտին հանդանակութիւն անելու համար: 26 նոյեմբերի թ. թ. 1564—1568:

Դիւանի գրութեամբ յայտնուեց Ներսէս վարդապետ Տէր-Միքայէլեանին, որ նորին Վեհափառութեան կարգադրութեամբ, նշանակուած է ուսումնարանական Յանձնաժողովի անդամ: 27 նոյեմբ. թ. 1573:

Դիւանի գրութեամբ առաջագրուեց Վրաստանի հայոց կոնսիստորիային առաջարկել Սուխումի շրջանում ապրող տաճկահայատակ եղիշէ վարդապետ Ամատունուն, որ ան-

միջապէս վերադառնայ Տաճկաստան: 28 նոյեմբ. թ. 1578:

Դիւանի գրութեամբ պատուիրուեց Ղարսի Հոգեւոր կառավարութեան վաւերացնել Համադասպ քահ. Ղարադեօղեանի կազմած բժշկապետ Աղէքսանդր Տէր Յարութիւնեանի կտակած գոյքի և բոլոր գրամական եկամուտների և պահանջների ցուցակը և ուղարկել նորին Վեհափառութեան: 28 նոյեմբ. թ. 1580:

Դիւանի գրութեամբ պատուիրուեց Ղարսի Համադասպ քահանայ Ղարադեօղեանի կազմել բժշ. Ա. Տէր Յարութիւնեանի կտակով թողած գոյքի և գրամական եկամուտների և պահանջների ցուցակը և Հոգեւոր կառավարութեան վաւերացմամբ ուղարկել նորին Վեհափառութեան: 28 նոյեմբ. 1588:

ՀԱՅՐԱՊԵՏԱԿԱՆ ՕՐՀՆՈՒԹԻՒՆՆԵՐ

Կոնգակով գոհունակութիւն յայանուեց նոր-նախիջեան քաղաքի ս. Յովհաննու կարապետի եկեղեցու երեսփոխան պ. Կարապետ Դէօրդեան Խոջայեանցին՝ նորա ժրան գործնէութեան համար: 30 հոկտեմբ. թ. 1386:

Կոնգակ օրհնութեան և գոհունակութեան պ. Ստեփաննոս Աւետիսեան Բէշտաուի անունով՝ Կիսլավօքսկի եկեղեցական-ձխական գալոցի շէնքը իւր ծախքով շինելու համար: 4 նոյեմբերի թ. 1423:

Կոնգակ օրհնութեան պ. պ. Յովհաննէս, Եղիա և Դանիէլ Ղազարոսեան Մայիլեանների անունով՝ իրենց ծախքով Շամախի քաղաքում՝ հայոց եկեղեցի շինելու համար: 20 նոյեմբերի թ. 1527: